



Šest osoba lišeno slobode zbog krijumčarenja migranata, pronađen novac, droga i vatreno oružje

Policijski službenici Granične policije BiH i Federalne uprave policije, 16. aprila 2025. godine, pod nadzorom Tužilaštva BiH, a prema naredbama Suda BiH, proveli su operativnu akciju *Domino* na području Sarajeva, Visokog, Breze i Olova zbog sumnje u izvršenje krivičnih djela *Organiziranje grupe ili udruženja za izvršenje krivičnog djela krijumčarenja migranata* iz člana 189 a. stav 2. Krivičnog zakona BiH, u vezi sa krivičnim djelom *Krijumčarenje ljudi* iz člana 189. stavovi 2. i 4. Krivičnog zakona BiH, krivično djelo *Nedozvoljeno držanje oružja ili eksplozivnih materija* iz člana 371. stav 1. Krivičnog zakona Federacije BiH, te krivično djelo *Neovlaštena proizvodnja i stavljanje u promet opojnih droga* iz člana 238. stav 1. Krivičnog zakona Federacije BiH.

Prilikom realizacije navedenih aktivnosti, izvršeni su pretresi na više lokacija, kojom prilikom je pronađena veća količina novca u različitim apoenima, vatreno oružje (puške, pištolji), municija, određena količina materije koja svojim izgledom asocira na opojnu drogu i drugi predmeti koji se mogu dovesti u vezu s izvršenjem navedenih krivičnih djela.

Nakon okončanja pretresa slobode je lišeno šest osoba inicijala Đ.M. (1986.), B.M. (2002.), E.B. (1999.), N.D. (1985.), A.T. (1997.) i R.K. (1965.). Navedene osobe se sumnjiče da su u prethodnom vremenskom periodu djelavala kao organizovana kriminalna grupu na čelu s licem Đ.M. u kojoj je bila jasno definisana uloga svakog pojedinca s ciljem krijumčarenja ljudi, neovlaštene proizvodnje, stavljanja u promet opojne droge i nedozvoljenog držanja oružja ili eksplozivnih materija s ciljem sticanja protivpravne imovinske koristi.

Osobe će nakon kriminalističke obrade u prostorijama Federalne uprave policije i Granične policije BiH biti predate u nadležnost Tužilaštva BiH uz Izvještaj o počinjenom krivičnom djelu.

- COVID-19**
Prelazak državne granice Bosne i Hercegovine >
- PRIJAVE GRAĐANA**
(žalbe, korupcija, prekogranični kriminal) >
- ZAKON O SLOBODI PRISTUPA INFORMACIJAMA**
Vodič: kako do informacija >
- NAJČEŠĆE POSTAVLJENA PITANJA** >
- JAVNE KONSULTACIJE** >



Pratite nas na društvenim mrežama

